

იერუსალიმის პატრიარქისგან ნებართვა მივიღეთ - რას წერს ისრაელში საქართველოს ელჩი?



სრულიად საქართველოს კათოლიკოს-პატრიარქის ლოცვა-კურთხევით და არქიმანდრიტი იოვანე მჭედლიშვილის და მასთან ერთად, ქართველთა გულმოდგინებით, შეიქმნა და იერუსალიმში ჩამობრძანდა ჯვარის მონასტრისთვის განკუთვნილი ტრაპეზის სახარება. ამის შესახებ ისრაელში საქართველოს ელჩი ლაშა ჟვანია „ფეისბუკის“ პირად გვერდზე წერს.

მისი თქმით, ეს უნიკალური ქმნილება განსაკუთრებულია განთავსებული ხატებით – ტიხრული მინანქრით, გადმოცემულია ჯვრის მონასტრის ისტორია და პირველად, ერთად, განთავსებულია მონასტრის აღმშენებლები – წმ. მეფენი მირიანი და ვახტანგ გორგასალი; მონასტერში მოღვაწე ქართველი წმინდანები – წმ. გიორგი-
#პროხორე ქართველი (შავშელი); #ლუკა იერუსალიმელი (აბაშიძე);
#სალომე ქართველი და #ნიკოლოზ დვალი.

„იერუსალიმის პატრიარქისგან, მისი უნეტარესობა თეოფილე მესამესგან, ნებართვა

მივიღეთ – გავაგრძელოთ ჩვენი ჩანაფიქრი და გამშვენებული ქართული სახარებები დამზადდეს მაცხოვრის საფლავისთვის და ბეთლემის შობის ტაძრისთვის, ხოლო მათი დასრულების შემდეგ – წმინდა მიწის სხვა ტაძრებისთვის.

დღეს, “ჟამია შეკერვისა”! ისრაელში, საქართველოში და მის ფარგლებს გარეთ მცხოვრებ ქართველებს, ვისაც სურვილი აქვს, მონაწილეობა მიიღეთ ორი პატრიარქის ლოცვა-კურთხევით დაწყებულ საქმეში.

დამატებითი ინფორმაცია განთავსდება კათოლიკოს-პატრიარქის ფონდი – Foundation of Patriarch of All Georgia-ის გვერდზე.

მადლობა არქიმანდრიტ ილია ნასაიძეს, არქიმანდრიტი იოვანე მჭედლიშვილს, პროტოპრესვიტერ გიორგი ზვიადაძეს, დეკანოზ აბრაამ სოლომნიშვილს სიყვარულისთვის, გვერდში დგომისთვის! სახელმწიფოს და ეკლესიის ერთად მუშაკობამ შეგვაძლებინა ამ მისიის შესრულება და მომავალშიც მეტი გაკეთდება ერთობით“ – წერს ლაშა ჟვანია.

dogma.ge